

- *1۔ وزیر اعلیٰ عمر عبداللہ نے دہلی ہال ف میراتھن دوڑ مانہ شرکت کرتاواں انفرادی طور ور بہتر کارکر دگی حاصل کی ہے ۔
- *2۔ نائب وزیر اعلیٰ سریندر چودھری نے جموں کشمیر غا ریاست غا درجہ غی بحالی غی خاطر سپریم کورٹ نانہ آخری اُمید قرار دتو ہے ۔
- *3۔ افغانستان ور پاکستانی فوج غی ہوائی کاروائی غا جواب مانہ کیا گیا افغان فوج غا اک حملہ مانہ پاکستانی فوج غا 58 جوان ہلاک تے کئی دوجا زخمی ہو گیا ہیں۔
- *4۔ بی جے پی نے آئندہ راجیہ سبھا چناواں غی خاطر جموں کشمیر تیں اپنا 3 اُمید واراں غی فہرست جاری کر دتی ہے ۔
- *5۔ زمینی

توداں غی زد مانہ آغے ضلع اُدھم پور غا سمرولی علاقہ مانہ کُجھ کاروباری عمارتاں نانہ نقصان پُجیو ہے ۔

خبراں غی تفصیل نال پہلاں محمد اکرم چودھری۔

CM-Half Marathon

وزیر اعلیٰ عمر عبداللہ نے آج دہلی مانہ ہال ف میراتھن سال 2025 غی دوڑ مانہ شرکت کرتاواں وں دسیو ہے جے اُنہاں نے 5 منٹ تے 24 سکینڈ فی کلومیٹر غی رفتار سنگ انفرادی طور ور 1 گھنٹا تے 53 منٹ اور 35 سکینڈ غی دوڑ لائی ہے ۔ اُن غو کہنو تھو جے یاہ رفتار تے اتنا وقت توڑی دوڑ لائو اُن غی بہترین حصولیابی ہے ۔ اس بارے عمر عبداللہ نے اپنی اس دوڑ غو ایکس ور کی گئی پوسٹ مانہ اظہار کیو ہے ۔ اُنہاں نے دسیو ہے جے اُنہاں نے اس خاطر طے شدہ لائن نانہ سویر 6 بج غے 53 منٹ ور پار کر ليو۔ اس توں پہلاں مرکزی وزیر من سکھ ما نڈویا نے دانٹا دہلی ہال ف میراتھن 2025 غا وں اڈیشن نانہ جھنڈی دس غے روانہ کیو۔ دہلی غا لیفٹنٹ گورنر وی کے سکسینہ، سی ڈی ایس جنرل آئل چوبان تے بحریہ غا سربراہ چیف ایڈمیرل دینیش کے تریاٹھی وی اس دوڑ مانہ شامل ہوا۔

Afgan- Pak Clashes

طالبان غا ترجمان زبیر اللہ مجاہد نے آج دسیو ہے جے بہرام پور ضلع مانہ ڈورانڈ لائن ور پاکستان غے خلاف کی جان آلی جوابی کاروائی مانہ پاکستانی فوج غا 58 جوان ہلاک، جد کہ 30 دوجا زخمی ہو گیا ہیں۔ اُنہاں نے پاکستان نانہ خبردار کیو ہے جے افغانستان ور کیا گیا ہر حملہ غو جواب دتو جائے گو ۔ کاربل مانہ اک پریس کانفرنس سنگ خطاب کرتاواں وں ذبیع اللہ مجا

ہد نے الزام لاتاں واں کہیو جے ج آئی ایس آئی ایس غا دہشت گرد پاکستان سرزمین ور موجود ہیں ۔ انہاں نے اسلام آباد نانہہ کہیو جے وہ پاکستان مانہہ چھپیا وا ان دہشت گرداں نانہہ اپنا ملک تیں باہر کڈن غی کا روانی کرے۔ طالبان غا لیڈر غو کہنو تھو جے کو نے وی جہیزو افغانستان غے خلاف جارحیت کرے گو ، یاہ اُس غی ہوائی حدود غی خلاف ورزی کرے گو اُس نانہہ سخت جواب دتو جائے گو ۔ مجاہد نے یوہ وی دعویٰ کیو ہے جے افغان فوج نے پاکستان غا 25 فوجیاں نانہہ پکڑ وی لیو ہے ۔

Dy CM Statehood

نائب وزیر اعلیٰ سُریندر چودھری نے اُمید ظاہر کرتاں واں کل کہیو ہے جے سپریم کورٹ جموں کشمیر نانہہ ریا ست غو درجو بحال کرن غا سلسلہ مانہہ انصاف غا تقاضا پورا کرے گی۔ بھگوتی نگر جموں مانہہ آخبا ری نمائنداں سنگ گل کرتاں واں نائب وزیر اعلیٰ نے کہیو جے لوگ سپریم کورٹ ور اُمید غی آخری کرن غا طور ور یقین کریں۔ انہاں نے عدالت عظمیٰ ور زور دیتاں واں کہیو جے واہ لوکاں غا دِلان تہڑکناں نانہہ سنیں، نہ کہ سیاستداناں نانہہ سنن نانہہ ترجیح دتی جائے۔ انہاں نے عدالت ور زور پایو جے واہ اُسے طرز غی مداخلت کر غے جموں کشمیر غا ریا ستی درجہ نانہہ بحال کراوے، جس راہ اُس نے اسمبلی چنائو کرایا جان غا معاملہ ور مداخلت کی تھی۔ اس بارے گل کرتاںواں نائب وزیر اعلیٰ نے کہیو۔۔۔ بانٹ۔۔۔ نائب وزیر اعلیٰ جموں مانہہ سیلاب تیں نقصان زدہ علاقاں مانہہ با زآباد کاری غا کماں غو جائزولے رپیا تھا۔

CS-GST Reforms

چیف سیکریٹری اُتل ڈلو نے اج جموں کشمیر مانہہ جی ایس ٹی 2.0 غا سدھاراں غا نفاذ تے عمل آوری غا جائزہ غی خاطر منعقدہ اک میٹنگ غی صدارت کی ۔ ان سدھاراں غو مقصد اس گل نانہہ یقینی بنائو ہے جے ٹیکساں مانہہ کی گنی کمی تے خاص کر جان بچان آلی دوانیاں تے ضروری اجناس غی قیمتاں مانہہ ہوئی کمی غو فائدو براہ راست صارفین نانہہ میسر آسکے تے اس نال لوکاں نانہہ سستی چیز میسر کرایا جان غے نال نال بچت مانہہ بابدو کیو جا سکے گو۔ میٹنگ غے دوران چیف سیکریٹری نے سٹیٹ ٹیکس قانونی ناپ تول تے صنعت و تجارت محکماں نالے ادویات تے خوراک کنٹرول تنظیم غی طرفوں اپنایا گیا جی ایس ٹی سدھاراں بارے چایا گیا اقدامات غو جائزولے۔ میٹنگ غے دوران چیف سیکریٹری نے بازاراں غا سختی سنگ معاینہ کیا جان، نالے عوامی سطّٰ ور بیداری مہم غی ضرورت ور زور پایو، تانجے ٹیکساں مانہہ کی گنی کمی غو فائدو آخری صارف توڑی پجایو جاسکے۔

CS PMGSY

چیف سیکریٹری آئل ڈٹو نے جموں کشمیر مانہہ پردھان منتری گرام سڑک یوجنا غے تحت شروع کیا گیا سڑک تے پُل پروجیکٹاں ور ہوئی پیش رفت غو اک میٹنگ غی صدارت غے دوران جائزہ لیو ہے۔ اُنہاں نے ان پروجیکٹاں غی ولے سر تکمیل ور زور دیتاں واں متعلقہ افسراں نانہہ تمام بقایا کماں نانہہ مقررہ شیڈیول غے مطابق مکمل کرن نانہہ یقینی بنان غی ہدایت کی ہے۔ چیف سیکریٹری نے ان پروجیکٹاں غاکم مانہہ کی جان آلی غفلت تے تاخیر ور سخت احتساب کیا جان غی وی گل کی ہے۔ اُنہاں نے ان پروجیکٹاں غی تعمیر غے دوران سینئر افسراں غی نگرانی تے انجینئراں غی طرفوں معائنہ کیا جان غی ضرورت ور وی زور دتو۔ میٹنگ غے دوران پی ایم جی ایس وائی غا پروجیکٹاں غی مرحلہ وار پیش رفت ور وی لوہ پائی گئی، تے کئی پروجیکٹاں غی تکمیل تے کئی دوجا پروجیکٹاں ور چل رہیا کماں غی جانکاری دتی گئی۔ میٹنگ غے دوران گل کرتاں واں چیف سیکریٹری نے گرانیں رابطاں مانہہ بہتری لیان بارے سرکار غا عہد نانہہ وی دہرایو۔

مزید خبراں نال عبدالمجید۔ ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن انیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری مو بائل ایپ تے ڈی ٹی ایچ ور وی دستیاب ہیں

BJP Names RS

بھارتیہ جنتا پارٹی نے 24 اکتوبر 2025 نانہہ ہون آلا راجیہ سبھا انتخابات واسطے اپنا 2 نواں اُمید واراں سمیت 3 اُمیدواراں غا ناں گو اعلان کیو ہے۔ پارٹی نے سینئر بی جے پی لیڈر تے اس غا جموں کشمیر آکائی غا صدر ست شرما تے نسبتاً دو غیر معروف چہراں ڈاکٹر علی محمد میر تے راکیش مہاجن نانہہ اپنا نامزد اُمید واراں غے طور ور چُنیو ہے۔ واضع رہ جے نیشنل کا نفرنس نے جمعہ آلے روز راجیہ سبھا انتخابات غا سلسلہ مانہہ اپنا 3 اُمید واراں غا نایاں غو اعلان کر دتو تھو تے اس طرح مذکورہ انتخابات واسطے دو اہم سیاسی جماعتاں غا اپنا اُمید واراں غا اعلان نال جموں کشمیر مانہہ راجیہ سبھا چناؤ واسطے مقابلہ نے اک دلچسپ موڑ لے لیو ہے۔

Landslide

ضلع اُدھم پور غا سمرولی علاقہ مانہہ اج مٹی گا توداں غی وجہ نال کُج تجارتی عمارتاں نانہہ نقصان پُجیو ہے۔ اج سویرے قریب ساڈھے 11 بجے سمرولی علاقہ مانہہ جموں سرینگر قومی شاہراہ نال لگتا نرسو بازار نانہہ لاس پسی نے اپنی چپیٹ مانہہ لے لیو، جس غا نتیجہ مانہہ حال ہی مانہہ کھولی گئی ہوٹل غی عمارت تے کُج دوجی دکاناں نانہہ نقصان پُجیو ہے۔ اس واقع مانہہ کسے جانی نقصان غی کا ئے خبر نہیں ہے، دسیو جا رہیو ہے جے اس بازار غی تمام دکاناں نانہہ پسی پین تیں پہلاں ہی کھالی کرادتو گئیو تھو۔

JK Farmer-PM

گاندربل ضلع غا اِک کسان فیاض احمد گنائی نے نوی دہلی ماتہ پی ایم دھن دھانیا کریشی یوجنا غا آغاز غے دوران وزیر اعظم نریندرمو دی نال گل بات کی۔ فیاض احمد گنائی نے جدید کا شتکاری غا طریقاں غا بارہ ماتہ آگاہی سانجھی کی تے اپنا ضلع تے کشمیر غا علاقاں ماتہ پیداوار غی صلاحیت ماتہ بدھان تے پائیدار کا شتکاری غی حمایت کرن واسطے جدید زرعی تکنیکاں ماتہ اپنا غا عزم غو اظہار کیو۔ پی ایم دھن دھانیا کریشی یوجنا ماتہ 24 ہزار کروڑ روپیاں غی لاگت نال شروع کیو گیو ہے ، جس غو مقصد زرعی پیداوار ماتہ بدھانو، فصلان غی گونا گونی تے پائیدار زرعی طریقہ اپنان اور آبپاشی غی سہولیات ماتہ بہتر بنانو ہے۔ اس غے علاوہ چُنیا وا 100 ضلعاں ماتہ طویل مدتی تے قلیل مدتی قرضان غی دستیابی ماتہ سہل بنانو ہے۔ گل بات کرتاں واں کسان نے کہیو۔۔ بانٹ۔

Army Cmdr Visit

فوج غی شمالی کمانڈ غا کمانڈر پراتک شرمانے راجوری ضلع ماتہ تعینات فوجیاں غی کا رنیاں بارے تیاریاں غو جائزولیو۔ جنرل افسیر کمانڈینگ ان چیف ناردرن کمانڈ نے بارین سرحدی ضلع غا اگلا علاقہ غو دوروکیو تے موجودہ سلامتی ماحول ماتہ کاروانیاں غی تیاریاں غو جائزولیو ہے۔ فوج غی شمالی کمانڈ نے اس بارے جانکاری سوشل میڈیا ایکس ورڈتی ہے۔ فوجیاں نال گل بات غے دوران انہاں نے تمام فوجی اہلکاراں غی ثابت قدمی، غیر معمولی پیشہ وارانہ مہارت تے اعلیٰ سطح غی تیاریاں ماتہ برقرار رکھن ماتہ اُن غی لگن غی تعریف کی۔ انہاں نے آپریشنل تیاریاں ، جدید تربیتی طریقاں تے تیز رفتار کاروانی در عمل غی اہمیت ور زور دتو۔

NHM Jammu

زمینی سطح ور صحت دیکھ بھال ماتہ مضبوط بنان غی خاطر اک قدم غے طور ور مشن ڈائریکٹر قومی صحت مشن جموں کشمیر بسیر الحق غی صدارت ماتہ مالی سال 27/2026 واسطے ضلع جموں غا ڈسٹرکٹ ہیلتھ ایکشن پلان غو جائزولیو گیو۔ میٹنگ ماتہ ترجیحات غو تعین کرن تے ضلع ماتہ صحت بارے اہم اقدامات غا موثر نفاذ ماتہ یقینی بنان ور توجہ مرکوز کی گئی۔ صحت غی دیکھ بھال غی خدمات ماتہ فروغ دین، ماں اور بچہ غی صحت ماتہ بہتر بنان تے دیہی علاقان توڑی رسائی ماتہ بدھان غی حکمت عملی ور وی اجلاس غے دوران تبادلہ خیال کیو گیو، تانجے ضلع سطح غی منصوبہ بندی ماتہ قومی صحت غا طے شدہ ہدف نال جوڑیو جا سکے، تے پورا خطہ ماتہ صحت غی دیکھ بھال ماتہ بہتر تے اس ماتہ زیادہ شمولیت ماتہ یقینی بنایو جا سکے۔
